



L'ENFER DE L'ADVOCAT DE MONTAUBAN.

17

A tous les Parlemens de France.

*A vous Tuteurs des Rois, Oracles de Themis,
Inflexibles Senats, l'effroy des ennemis,
Pour mon Prince offensé ie demande vengeance
Contre le plus meschant qui soit en l'vniuers,
Qui fuyant les esclairs des Iuges de la France
N'eschappera iamaïs le foudre de mes vers.*

M Vse fouëtte tes flancs pour r'ëveiller ta rage,
Damne, condamne tout, tonne, estonne, sac-
cage,
Mon entre soit de sang, & ma plume de fer,
Que i'horrible en ces vers vn formidable Enfer,
Pour y plonger viuant le plus abominable
Qui soit deßouz les Cieux, vn rebelle execrable,
Vn perfide vassal qui déchire en ses vers
L'honneur du plus grand Roy qui soit en l'vniuers.

De mon braue L o v i s, l'Ame de la vaillance,
 L'Alcide acrauanteur des monstres de la France,
 Le pourtraict racourcy des Roys plus accomplys,
 La terreur des mutins, l'honneur des fleurs de Lys,
 Les delices du Ciel, les Amours de la terre,
 L'Oliue de la paix, le foudre de la guerre,
 L'Arc-boutant de la Foy, l'esperoir des bons François
 Le grand restaurateur de l'Eglise & des Loys,
 Et le plus iuste Roy qui porta iamais Sceptre.
 O grand Dieu que fait donc ta iusticiere dextre
 Oysive dans ton sein, pourquoy n'abismes-tu
 Cet ennemy iuré de la mesme vertu?
 Tu ne serois iamais mieux employer ton foudre
 Qu'à broyer cet ingrat & le reduire en poudre,
 Soleil, ne luy fay plus ta lumiere sentir,
 Terre, creue tes flancs afin de l'engloutir,
 Pleuue l'air dessus luy les esclairs & les souffres,
 Tombé le feu du Ciel, ouure l'Enfer ses gouffres,
 Que la Mer se desborde afin de l'abismer,
 Bref, ô Enfer, Soleil, Air, Feu, Ciel, Terre, Mer,
 Bourrelle, offusque, tue, embraze, engouffre,
 abisme
 Ce desloyal subjer, dont l'effroyable crime
 Fait dresser les cheueux à ceux qui vrais François,
 Portent au cœur graué le saint nom de nos Roys.
 France, aurois-tu porté ce serpent dans ton vêtre?
 Non, ce monstre est sorti du Plutonique centre,
 C'est l'Ante-christ conçu au sein de Lucifer
 Du sale accouplement d'une rage d'Enfer,
 Le venim d'Alecton, l'escume de Cerbere,
 Ou bien, quand distilloit au giron de Megere
 Le sang de Rauillac: vn Incube (ie croy)

Case

F

39

326

162207

En incarna ce Diable ennemy de mon Roy,
Le couteau du premier au Pere osta la vie,
La plume du second aujourdhuy par enuie
Veut arracher du fils & la vie & l'honneur,
Honneur, le diamant, la gloire, la splendeur,
L'aigrette, le pannache, & le brillant des Princes.

Pourrez-vous donc souffrir Catholiques Pro-
uinces

Diffamer vostre Roy, vn traistre iniurieux
L'appelle en ses escrits, *Double, Fallacieux,*
Infidelle, Tiran, Tompeur, & Sanguinaire!
Brullez, brisez, broyez, bouillez ce temeraire,
Pour son crime il n'est point d'assez griefs tour-
ments,

Juges, les Dieux du monde, Augustes Parlements,
Splendides Magistrats, ces horreurs n'ont pareilles
N'ont encores frappé vos prudentes oreilles,
Ces relantes vapeurs n'ont monté iusqu'à vous,
Ces blasphemes secrets pullulant parmy nous
N'ont encor approché de vos pourpres Royalles,
Vous aymez trop mon Roy, & vos ames loyalles
Ne souffriront iamais que ces vassaux ingrats
Des-honorent le chef dont vous estes le bras,
Vous estes le bras d'iceluy de ceste Monarchie,
Mais, mon Prince est le cœur qui vous donne la
vie,

Le chef qui vous anime, & l'Astre des honneurs
De qui vous empruntez vos plus viues splendeurs.

Mais, ie reuiens à toy Rimeur à la douzaine,
De quel boubier jaillit ta sacrilege veine?
Quel enragé Demon possède tes esprits?
Iamais d'un feu Diuin ton cœur ne fut épris,

4
Ton vers ne coule point de ces sources limpides
Qui tombent du sommet des Rochers Pegazides,
Ton Pégaze est le Stix, ton Phœbus vn bourreau,
Ta Muse vne fureur, ton Laurier vn cordeau,
Mont-faucon ton Parnasse, ou les chiens de voirie
Rongeront carnaciers ta charongne pourrie,
Ou croassants Corbeaux tes obseques diront
Et ton ame maudite aux Enfers conduiront.

Lors que tu affilois ta langue serpentine
Pour blesser en ton Roy la Majesté Diuine,
Et que tu vomissois tes blasphêmes peruers:
Craignois-tu point qu'un iour le Roy del' Vniuers
Voyant sa viue Image icy bas outragée
Du mordicant prurit de ta verue enragée
N'escarboüillât ton chef d'un tonnerre grondant?
Où qu'un docte escriuain, mieux que toy l'enten-
dant

Aux Concers mesurez dont les neuf Pimpleades
Font Pinde resonner durant leurs serenades
Ne te fit repentir de ta temerité?

Tremble infame poltron, heretique effronté,
Qu'il t'aduienne lisant ce furieux yambe
Ce que jadis aduint au malheureux Lycambe
Qui les vers d'Archiloq ayant leu, se pendit;
Pens-toy desesperé, que le iour soit maudit
Qui t'a iamais veu naître, & maudite la mere
Qui porta dans ses flancs vn si cruel vipere.

Que t'a fait ce bon Roy, dénaturé François?
Que trouues-tu d'iniuste en ses Royalles loix?
S'il veut que tout son peuple à luy seul obeysse,
S'il ne peut voir la France ainsi que la Suisse
Par cantons diuisée, a t'il pas bien raison?

Vn chacun ce me semble est maistre en sa maison.

Mais, ces crapaux enflez, ces enfans du tonnerre,
Quels pretextes ont ils de luy faire la guerre?

Et pourquoy tant de fois auant ces remuëments

Se sont-ils assemblez sans ses commandemens?

Ont-ils esleu des chefs fortifié les villes?

Baillé Commissions, & fait actes hostiles?

Alexandre le grand disoit que deux pareils

Ne se pouuoient souffrir non plus que deux So-
leils,

Et qu'un Roy suffisoit pour gouverner le monde

Comme pour l'esclairer suffit la torche blonde

De l'vnique Apollon: ce pendant mon grand Roy

Capable de regir cent peuples souz sa Loy,

Permettra ses vassaux partager son Royaume!

Ce ne fut pas l'aduis du bon maistre Guillaume.

Quand Monsieur son Amy, la perle des Guerriers

(Pour qui France iamais n'eust assez de Lauriers)

Permit pour quelque cause à luy seul reseruee

Cantonner l'heretique, & donna main leuée

A ces pestes d'Estat, qui temerairement

Se disoyent les degrez de son aduancement,

Les nefs de sa fortune, & que leur force extrême

Luy mettoit sur le front le Royal Diademe.

Incomparable orgueil, grossiere absurdité!

Non; non le Roy des Roys, qui à sa volonté

Gouverne Souuerain tous les sceptres du monde,

Qui balotte en ses mains comme vne boule ronde

L'Empire des mortels, & dont les propres doigts

Seuls ourdissent la vie & les destins des Rois,

Faché qu'un si grand Roy, vn si braue courage

Croupissoit si long-temps dans le liberrinage,

Afin d'illuminer les yeux de sa raison,
 Et pour le deliurer de ceste orde prison,
 Enflama tout soudain sa guerriere poictrine
 Du feu inspiratif de la grace Diuine,
 Lors quittant l'heresie & ses trompeurs appas,
 L'Eglise le reçoit, France luy tend les bras,
 L'on croise les fleurets, Villes & places fortes
 Chantent **V I V E L E R O Y**, & luy ouurent les
 portes,

Ainsi n'y eust iamais que sa conuersion
 Qui conduit ce grand œuvre à sa perfection.

Bien loing d'estre obligé à ces demoniacles
 Ils ont esté dix ans les malheureux obstacles
 Opposez à sa gloire, & sans ses obstinez
 Il eust dix ans plustost les François gouvernez.

O Manes qui gisez dans ce Royal sepulchre
 Grand Roy qui n'euz iamais que l'honneur pour
 ton lucre,

Ton ame, dans le Ciel maintenant peut bien voir
 (Puis qu'on void tout en Dieu comme en vn beau
 miroir)

Combien le Caluiniste infernalie furie
 Faict pleuvoir de malheurs sur ta chere patrie,
 Combien nous vient de maux pour auoir en ton
 sein

Trop tendrement nourry ce serpent inhumain.
 De ce qu'il ta presté nous payons bien la somme,
 Ce ver que tu laissas dans le cœur de la pomme
 La ronge maintenant, ces ieunes louueteaux
 Tes entrailles voudroient deschirer a morceaux,
 Ce feu que tu permis si loin iadis s'epandre
 Veut mettré tes enfans & ton Empire en cendre,

Ce venim a des-ja rauagé tout le corps,
 Ces geants terre-nez nourris dans les discords
 Sentent des-ja si haut leurs masses paruenüs:
 Que s'ils ne sont bien tost assommez dans les nuës
 De leur ambition, où si le bras de Dieu
 (Seule clef de la vouste, & l'immobile effieu
 Sur qui roule des Roys les fortunes sublimes)
 Ne faict a ces mutins mesurer les abismes:
 Nous seruirons bien tost de proye a l'Estranger.

Sacrée Majesté destourne ce danger,
 Mon Hercule, mon Mars, mon Ajax, mon Pélée,
 Ceste affreuse harpie à tes pieds soit foulée,
 C'est de toy que la France implore son secours,
 L'heretique blasfard qui explique a rebours
 La parole de Dieu & qui en sa maniere
 L'allonge & l'accourcit a mode d'estriuier,
 Qui la met à la gehenne & l'accuse de faux,
 Qui prophane s'en sert de selle à tous cheuaux,
 Qui la tire à cheueux qui l'habille en sa guise,
 Bref, qui veut effronté l'Escripture & l'Eglise
 Regler sur le compas de son esprit tortu:
 Feignant de courrifer la morale vertu
 Afin d'attirer mieux les simples à la trape:
 Boule-uerse la Foy, met l'Eglise à la sape,
 Fait sauter les Autels, polue les saints lieux,
 Vierges, Prestres corrompt, secouë imperieux
 Les plus vieux fondements des Estats Monarchi-
 ques,

Embrase le Citez, subuertit Republicues,
 Seme guerres, discords, caballes, factious,
 Liges, & arrentats, mille Religions
 Introduit pour la vraye, en nouueautez abonde,

Et tout difforme veut reformer tout le monde,
 Regner quoy qu'il en soit, preferant Apostat,
 Aux preceptes de Dieu les maximes d'Estat.
 Delà, est la grand' porte ouuerte à l'atheisme,
 Delà, l'impieté, l'insolence, le scisme,
 Le luxe, le desbord, l'abrogement des Loix,
 Le rabais de Iustice, & le mespris des Rois,
 Voila les beaux exploicts de ces ames caphardes,
 Et les fruiçts venimeux de ces plantes bastardes.

Mais ie te pri' dy moy bel Aduocat de foin,
 (Car la sainte Themis n'a iamais eu le soin
 D'une ame si peruerse, vne Louue cruelle
 Te donna dans les bois sa sanglante mamelle)
 Dymoy, dis-je, impudent qui cause tes clameurs?
 Qui iette en ton esprit ces paniques terreurs?
 Qui t'a enforcélé quelle ardeur maniaque
 Detraque ta raison hors de son zodiaque?
 Tu as peur de ton ombre, & tu crains que rendant
 Les villes que tu tiens, les nostres espendant
 Ton sang sur les gasons: d'une main vainqueresse
 Par force ou par amour te trainent à la Messe.

Mais regarde insensé nos villes, où les tiens
 Ne sont pas les plus forts, diras-tu qu'en leurs
 biens,
 Corps, familles, honneurs, ils souffrent de l'esclan-
 dre?

Si quelques auollez ont ozé entre-prendre
 De troubler leur repos, aussi tost n'ont-ils pas
 Veu fondre sur leurs chefs la main des Magistrats,
 Et ces perturbateurs qui s'ingeroyent de faire
 La moisson auant l'Aoust; souffrir mort exemplai-
 re?

Le temps fera venir toute chose à son point,
 Auant les railins meurs vandanger ne faut point,
 Puis ja trop de pays rauage ceste Laye
 Il est bien mal aisé de sarcler ceste yuraye
 Sans arracher le bled : mais de Dieu Souuerain,
 Le bras la peut confondre à moins d'un tourne-
 main,

L'heresie à son terme, & ses superbes cornes
 S'escraseront au choc de ses fatales bornes,
 Ia foible elle chancelle & tremblante voit-on
 Ceste vieille Baucis n'aller plus qu'au baston,
 Ne nager que d'un bras, ne battre que d'un aisse,
 Tousiours au quart, au guet, soubçonneuse en cer-
 uelle,

Qui ne sçait plus (voyant son declin approcher)
 De quel bois faire fiesche, ou de quel pied clocher.

Le mal est en la crise, & les Anges supresmes
 Ne sçauroyent plus souffrir ces horribles blasphem-
 mes,

L'air en iette des pleurs, les Cieux en ont horreur,
 La terre n'en peut plus souffrir la puanteur,
 Que fera t'elle donc s'il le Ciel & la terre
 Se banded au iourd'huy pour luy faire la guerret

Toutes-fois il ne faut Catholiques François
 Courir sus a ce monstre & le mettre aux abbois,
 C'est dequoy ie vous veux aduertir dans ces car-
 mes,

Ie parle pour ceux-là qui n'ont leué les armes
 Conte sa Majesté (bien que traistres pourtant
 Les rebelles sous-main vont encor assistant)
 Laissons les commencer, ou plutoist à mains jointes
 Importunons le Ciel de charitables plaintes,

Prions Dieu que bien tost il les vueille inspirer,
 Qu'il ne permette plus son saint nom delchirer
 Par ces mal-aduisez, afin qu'en cet Empire
 Chacun d'un mesme cœur vn mesme Dieu respire,
 Que la France n'ait plus qu'une Foy, qu'une Loy,
 Qu'un Baptisme, qu'un Dieu, qu'une Eglise, qu'un
 Roy,

Et que tous reünis dans nos temples antiques
 Nous facions iusqu'au Ciel retentir nos Cantiques
 Ou, si ces furieux foulent sa grace aux pieds;
 Qu'ils soyent en vn clin d'œil d'un foudre estro-
 piez,

Le Ciel vengeur se fende & de rouges tempestes
 Creue soudain ce hydre aux renaissantes testes.

Mais les seditieux qui se sont souleuez,
 Qui veulent obliger à leurs conseils priuez
 Des Monarques François la puissance absolüe,
 Qui osent (tant l'orgueil leur a bandé la veüe)
 Appeller Dieu fauteur de leurs rebellions:
 Ce sont ceux-là mon Roy qu'il faut à millions
 Terrasser à tes pieds, fait leur mordre la terre,
 Que ces chiens enragez qui te liurent la guerre
 Redoutent à iamais l'aigreur de ton courroux,
 Se trainent sur le ventre, & tous nuds, à genoux,
 Les yeux cauez de pleurs, ces ames desloyalles
 Viennent tost implorer tes clemences Royalles,
 Et t'apportant les clefs des villes desormais
 Que ces Cameleons ny commandent iamais,
 Ces renards de Sanzon cherchent d'autres rasiñeres,
 Et qu'hasardant leur vie aux ondes marinieres
 Au delà du Iapon à iamais releguez
 Traitent comme ils voudront les pays subinguez.

Que fils osent heurter ta belliqueuse armée,
 Et qu'au prix de son sang ta noblesse animée
 Les surmonte de force, il les faut sans mercy
 Enuoyer aux cachots du Royaume noircy
 Que de ces reuoltez le sang par tout ruiselle,
 Qu'il ne reste sur pieds nulle ville infidele,
 Qu'on die à l'aduenir, apres l'arriere-ban,
 Icy fut la Rochelle, & là fut Montauban.

Que le coudre à iamais les guerets en défriche,
 Ouy, Monarque il te faut monstrier vn peu plus
 chiche

De ta grande Clemence enuers ces vagabons,
 Estant bon aux meschans, l'on est meschant aux
 bons,

Car l'extresme Vertu en vice desgénere,
 La Clemence est aux Rois la Lune qui tempere
 Les troubles de l'esprit, il est vray: mais pourtant,
 Comme le temps n'est rien qu'un impatible instant
 Les parfaites Vertus ont un point d'excellence
 Qu'ils ne peuuent iamais excéder, sans offence
 De leur integrité: il faut estre Clement,
 Mais Iustice imployable en tout gouuernement
 Veut tenir le haut bout, est-il pas vray Ô SIRE
 Que si tu n'eusses point espargné en ton ire
 Les rebelles vaincus de saint Iean d'Angely,
 Clerac n'eust point tenu, Monrauban eust pally
 Al'effroyable abbord de tes Royales armes,
 Soubize n'auroit point ietté de ses gens-d'armes
 Iusqu'aux faux-bourgs de Nante, & ja les Rochel-
 lois

Peut-estre se seroyent enrollez sous tes loix.

Sur tout, que la pitié de nos peines nombreuses

A iamais ne t'oblige à des causes honteuses,
 A vne infame Paix, que iamais tel affront
 Le traistre ne nous puisse imprimer sur le front,
 Vous n'auons rien plus cher que ta gloire, mon
 braue,

Le François ayme mieux se voir tousiours esclau
 Et de cent coups mortels l'estomach trauersé
 Que ton loz tant soit peu y soit interressé,
 Les siecles a venir que diroyent-ils mon Prince
 Que la lie & le son d'une ingratte Prouince
 T'auroit donné la Loy, & aprestant d'assaux
 Contrainct de demander la Paix à tes vassaux.
 C'est dommage, grand Roy, que ce peuple su-
 perbe

Ne fut victorieux, il feroit croistre l'herbe
 Aux marchez populeux de nos riches Citez,
 Bien tost seroit la France en feu de tous costez,
 Les oyseaux se paistroyét de nos chairs massacrées
 Les riuieres de sang regorgeroyent pourprés,
 Il faudroit inuenter des supplices nouveaux,
 Euocquer des Enfers les plus rudes bouffreaux,
 Adieu la Monarchie, & ta guerriere dextre
 Pourroit bien conquerir ailleurs vn autre sceptre
 La France n'auroit tant de temples que de loix,
 De testes que d'auis, de villes que de Rois.

Ie ne veux pour tesmoins que les places rebelles
 Ou de ces vipereaux les vengeances cruelles
 Feroient trembler d'horreur les demons furieux,
 Le Catholique à peine oze y leuer les yeux,
 L'Hebreu ne fut iamais tant esclau en Egypte,
 Le Nomade, le Turc, le Gelon, & le Scithe
 Ne sont point si cruels, & puis ces Lestrigons

Se disent reformez ? ô tigres ! ô dragons !
 Helas ! combien de fois vos sanglantes furies
 De nos temples sacrez ont fait des boucheries,
 Le sang y fume encor, & sans verser des pleurs,
 Je n'en peux dans ces vers exprimer les malheurs,
 Malheurs qui par le temps s'oubliroient en nos
 ames,

Si vous n'en r'alumiez les homicides flames.

Quoy ? secoüer le ioug des Monarques puissans,
 Mesurer vostre Foy à l'aune de vos sens,
 Vous donner tout en proye aux charnelles delices,
 Violent nos tombeaux, dérober nos calices,
 Fouler l'hostie aux pieds, enfoncer inhumains
 Au sang des innocents vos fraticides mains
 Et médire des Rois d'une rage animée
 Appellez vous cela Eglise Reformée ?

Vous nous reprocherez la saint Barthelemy,
 Mais ce brazier ne fut allumé qu'à demy,
 C'estoit lors que deuoit & que pouuoit la France
 Exterminer ce monstre au point de sa naissance,
 Ce feu deuoit s'esteindre auant qu'il fut plus grand
 Par trop flater la playe incurable on la rend,
 La moisson, dira-t'on n'estoit pas encor meure,
 Si falloit-il ce chancre amputer de bonne heure,
 Il n'auroit pas gaigné les membres principaux.

Mais tu n'es pas encor au bout de tes traüaux
 Duocat endiablé, sus bourrelles furies
 Redoublez vos horreurs & vos forceneries,
 Iuse, retire toy, tes discours sont trop doux
 Pour bastir vn Enfer : Rages où estes vous ?
 Enpoignez ce meschant de vos rouges tenailles,
 Arrachez luy les yeux, deuorez ses entrailles,

Tronçonnez luy langue en cent morceaux espars,
 Faictes luy ruisſeler le ſang de toutes parts,
 Qu'engouffré dans le ſouffre, enſouffré dans le
 gouffre,
 Seul de tous les damnez les ſupplices il ſouffre,
 Et qu'à iamaſ maudit : ſon crime deteſté
 Semble prodigieux à la poſterité.

Toutesfois ſeroit bon pour retenir en crainte
 Toute ame qui ſeroit de ce venim atteinte
 Et pour ſeruir d'exemple à tels ſeditieux:
 Qu'au monde il commençat ſon Enfer furieux.

Sus donc à ce ſelon Iuges incorruptibles
 Des horribles tourmens pour ſes crimes horribles,
 Soit eſcorché tout viſ, ſoit trainé ſur la clef,
 Qu'on luy briſe les os, qu'on luy flambe le chef,
 Qu'on luy coupe la main dont il tenoit la plume,
 Qu'on le tire à cheuaux, qu'un grand feu l'on al-
 lume

Pour ſon procez & luy en cendre conſommer,
 Et pour le ſouuenir à iamaſ abîſmer
 D'un attentat ſi grand, la cendre au vent iettée
 Soit par quelque Demon aux enfers emportée.

F I N.

EPITAPHE.

Del'Aduocat de Montauban, & autres
médifans de sa Cabale.

Ces corbeaux nourris au carnage
Fondent sur l'honneur de mon Roy,
Ces chiens mastins saisis de rage
Mordent les pilliers de la Foy,
Ces loups d'une gueulle affamée
Vont déchirant la renommée
Des Princes dedans les tombeaux :
Faut-il donc pas que les entrailles
Des loups, des chiens, & des corbeaux
Soyent les tombeaux de ces canailles ?

RECAPITULÉ

Le 15 Mars 1793, le Comité de Salut Public a reçu de la Convention Nationale, par son Procureur Général, le rapport de son Comité de Surveillance, sur l'état de la Capitale.

Ce rapport est divisé en deux parties : la première, qui concerne l'état de la Capitale, et la seconde, qui concerne l'état de la République.

La première partie du rapport, qui concerne l'état de la Capitale, est divisée en trois sections : la première, qui concerne l'état de la Capitale, et la seconde, qui concerne l'état de la République.